

Bosna i Hercegovina
Federacija Bosna i Hercegovina
Tuzlanski kanton
GRAD TUZLA
Gradsko vijeće Tuzla
Komisija za odlikovanja i priznanja
Broj: 01- 05-2940-2016
Tuzla, 9.5.2016. godine

Na osnovu člana 40. Poslovnika o radu Općinskog vijeća Tuzla ("Službeni glasnik Općine Tuzla", broj: 7/05, 7/11. i 10/14.) i člana 23. Odluke o javnim priznanjima ("Službeni glasnik Općine Tuzla", broj: 10/07., 5/08. i 6/09.), člana 3. Odluke o načinu dodjeljivanja javnih priznanja u 2016. godini, Komisija za odlikovanja i priznanja Gradskog vijeća Tuzla, raspisuje:

J A V N I K O N K U R S

za predlaganje dobitnika Javnih priznanja u 2016. godini u povodu obilježavanja slijedećih značajnih datuma iz istorije Tuzle i Bosne i Hercegovine:

- 1. Drugi oktobar**
- 2. Dvadeset peti novembar**

Pozivaju se ovlašteni podnosioci inicijativa za dodjelu javnih priznanja (vijećnici i klubovi vijećnika, Gradonačelnik, tijela mjesne samouprave, tijela državne vlasti, ustanove, privredna društva, strukovne komore, vjerske zajednice, političke stranke, nevladine organizacije i druge pravne osobe), da u skladu s članom 19. i 25. Odluke o javnim priznanjima, dostave obrazloženu inicijativu za dodjelu Javnih priznanja Grada Tuzle u 2015. godini, Komisiji za odlikovanja i priznanja, a prema sljedećim:

K R I T E R I J I M A **ZA DODJELU JAVNIH PRIZNANJA**

a) Priznanje Povelja grada Tuzle

Povelja Grada Tuzle se dodjeljuje u povodu 2. oktobra - Dana oslobođenja Tuzle.

Povelja je najviše tuzlansko priznanje.

Povelja se dodjeljuje građanima Tuzle, grupi građana Tuzle i drugim licima koja rade na području grada Tuzla, privrednim društvima, ustanovama, vjerskim zajednicama, udruženjima građana i drugim pravnim licima za njihov doprinos i postignute rezultate u teorijskom i praktičnom radu u oblastima nauke, privrede, prosvjete, kulture, umjetnosti, sporta, zdravstva, socijalne zaštite i dječije zaštite, unapređenja i afirmacije tolerancije, kulture dijaloga i drugih oblasti života u Tuzli, u odbrani Tuzle i Bosne i Hercegovine, zaštiti i afirmaciji ljudskih prava i sloboda garantovanih međunarodnim konvencijama, Ustavom i zakonima, kao i spašavanja ljudi, imovine, unapređivanja uslova života u Tuzli, unapređivanja demokratije, suživota i afirmacije ugleda Tuzle u Bosni i Hercegovini i inostranstvu.

Kriteriji za dodjelu Povelje grada Tuzla su:

- najbolji rezultati postignuti u teorijskom i praktičnom radu na pojedinom području djelovanja (u oblasti nauke, privrede, prosvjete, kulture, umjetnosti, sporta, zdravstva, socijalne zaštite okoline i drugim oblastima),
- objavljena, prikazana, izložena, izvedena ili na drugi način prezentirana i nagrađena ostvarenja i rezultati,
- izuzetan doprinos u odbrani Tuzle i Bosne i Hercegovine,
- izuzetan doprinos i javno zalaganje i rad na očuvanju demokratije i zaštite osnovnih prava i sloboda čovjeka koja su proklamovana međunarodnim konvencijama, Ustavom i zakonima,
- izuzetan doprinos unapređivanju uslova života u Tuzli,
- transparentan rad i javno istupanje u cilju afirmacije i promocije vrijednosti Tuzle i Bosne i Hercegovine,
- javno objavljeni podaci ili rezultati za doprinos razvoju lokalne i šire zajednice, kao i javno objavljeni podaci ili rezultati o racionalizatorstvu, pronalascima i izumima čime se povećava produktivnost rada i ekonomičnost,
- općepoznati ugled stručnjaka ili djelatnika iz odrađenih oblasti, odnosno uspješnog privrednog društva, ustanove, udruženja građana i drugog pravnog subjekta i
- javno objavljeni ili zvanično pribavljeni podaci o učešću u spašavanju ljudskih života i imovine.

b) Priznanje Tuzlanska plaketa

Tuzlanska plaketa se dodjeljuje građanima ili grupi građana Tuzle, kao i drugim licima koji rade i djeluju na području grada Tuzla, udruženjima građana, privrednim društvima, ustanovama i drugim pravnim licima za njihov doprinos i postignute rezultate u radu, afirmaciji i zaštiti ljudskih prava i sloboda, toleranciji i demokratiji, zaštiti na radu i zaštiti okoline, kao i za doprinos za odbranu Tuzle i Bosne i Hercegovine u spašavanju ljudi i imovine, unapređivanju uslova života u Tuzli, afirmaciji i razvoju lokalne samouprave i mjesnih zajednica, a samim time i Tuzle, afirmaciji Tuzle u zemlji i inostranstvu, kao i unapređivanju socijalne i dječije zaštite.

Kriteriji za dodjelu Tuzlanske plakete su:

- nadprosječno ostvareni rezultati u radu i mjerljiv i vidljiv doprinos i priznati radovi i rezultati u racionalizaciji, pronalascima i izumima,
- mjerljiv doprinos u odbrani Tuzle i Bosne i Hercegovine,
- naročit doprinos i javno zalaganje za razvoj demokratije, tolerancije, zaštite ljudskih prava i sloboda,
- mjerljiv doprinos unapređenju uslova života u mjesnoj zajednici,
- transparentan, javan i stalan rad i javno istupanje u cilju afirmacije i promocije tuzlanskih vrijednosti,
- naročit doprinos u ostvarivanju zaštite na radu i zaštite okoline,
- općepoznati ugled stručnjaka ili aktiviste iz određenih oblasti (privrede, društvenih djelatnosti, u mjesnoj zajednici, udruženju građana i sl.),
- naročit doprinos u radu humanitarnih organizacija (npr. višestruki davalac krvi, poznati humanisti i sl.) i
- mjerljiv doprinos spašavanju ljudskih života i imovine.

c) Priznanje Tuzlanska lenta

Tuzlanska lenta se dodjeljuje građanima ili grupi građana Tuzle za postignute uspjehe i njihov doprinos u realizaciji manjih konkretnih projekata od javnog interesa.

Kriteriji za dodjelu priznanja Tuzlanske lente su:

- javno objavljen ili općepoznat uspjeh ili doprinos građanina ili grupe građana Tuzle za postignute uspjehe i njihov doprinos u realizaciji konkretnog (manjeg) projekta od javnog interesa,
- naročit doprinos u ostvarivanju zaštite na radu i zaštite okoline,
- naročit doprinos u radu humanitarnih organizacija (npr. višestruki davalac krvi, poznati humanisti i sl.) i
- mjerljiv doprinos spašavanju ljudskih života i imovine.

d) Priznanje Zahvalnica

Zahvalnica se dodjeljuje kao znak zahvalnosti i odavanje priznanja, u povodu jubileja fizičkih i pravnih lica, za konkretan uspjeh i poduhvat.

Kriteriji za dodjelu Zahvalnice su:

- objavljeni i općepoznati lični ili kolektivni jubileji (godišnjice) građanina ili grupe građana iz Tuzle, kao i pravnih lica koji rade i djeluju na području grada Tuzla,
- objavljeni ili općepoznati konkretan uspjeh ili poduhvat.

Inicijativa za dodjelu jednog od javnih priznanja se dostavlja u pisanom obliku i sadrži sljedeće:

- ime, prezime i adresu kandidata za javna priznanja iz ovog konkursa, odnosno naziv privrednog društva, ustanove, vjerske zajednice, udruženja građana i drugih pravnih subjekata kojeg se predlaže za dodjelu javnog priznanja,
- oblast iz koje se predlaže,
- obrazloženje prijedloga,
- raspoloživu dokumentaciju kojom se potvrđuju navodi iz obrazloženja,
- tačno naznačeno i opisano djelo, rad i uspjeh i sl., zbog kojih se predlaže,
- naziv javnog priznanja za koje se predlaže.

NAPOMENA:

Komisija za odlikovanja i priznanja Gradskog vijeća Tuzla zadržava pravo da naknadno od podnosilaca inicijativa zatraži dostavljanje iste u elektronskoj formi.

Podnosioci inicijativa za dodjelu javnih priznanja Tuzle, dostavljenih na raspisanom Javnom konkursu za predlaganje dobitnika Javnih priznanja u povodu obilježavanja značajnih datuma iz istorije Tuzle i Bosne i Hercegovine, objavljenom dana 03.03.2016. godine u dnevnom listu "Oslobođenje" i na web stranici Grada Tuzla www.grad.tuzla.ba, mogu svoje inicijative ponovno dostaviti Komisiji za odlikovanja i priznanja, ukoliko žele da ih ponovno aktueliziraju. U tom slučaju će dostaviti samo obavijest da ostaju pri ranijoj inicijativi za dodjelu javnih priznanja, te nisu dužni dostaviti obrazloženje inicijative sa dokumentacijom, kojom se potvrđuju navodi iz obrazloženja (pod uvjetom da su to dostavili na predhodnom javnom konkursu).

Javni konkurs će biti objavljen u dnevnom listu „Oslobođenje“ i na web stranici Grada Tuzla Tuzla - www.grad.tuzla.ba.

Javni konkurs za podnošenje prijedloga za dodjelu javnih priznanja traje 30 dana od dana objavljivanja.

Inicijative koje budu podnesene od neovlaštenih podnosilaca, izvan roka za podnošenje ili budu nepotpune u pogledu sadržaja, neće se uzeti u razmatranje.

Inicijativa za dodjelu javnog priznanja u pisanom obliku u zatvorenoj koverti sa naznakom „NE OTVARATI-KONKURS ZA DODJELU JAVNIH PRIZNANJA, dostavlja na slijedeću adresu:

Grad Tuzla

Komisija za odlikovanja i priznanja Gradskog vijeća Tuzla,

Ulica ZAVNOBIH-a broj 11

75 000 Tuzla

**Komisija za odlikovanja i priznanja
Gradskog vijeća Grada Tuzla**